

No tin suficiente trahado, empleado ta wordo golpia

Director di FMAA: Ta basta!

ORANJESTAD – Director di Fundacion pa Maneho di Adiccion Aruba (FMAA) Jerelm Campbell no ta acepta e situacion cu su empleadonan ta aden. E aña aki 24 trahado ta bay cas y pa motibo di medidanan di austeridad 25 cliente lo mester bay bek riba caya. E poco empleadonan cu a keda ta teme pa nan bida na trabou.

“Ya uno a haya hersenschutting y otro a bira sordo”, sr. Campbell a bisa.

FMAA riba e fecha 10-10-10 a lanta cu e intencion pa mehora e calidad di servicio na clientenan cu ta sufri di e enfermedad di adiccion y un cu lo no tin influencia di gobierno of politica den cuida di adiccion na Aruba.

Di 2011 -2014 a inverti 5 miyon den cuida di adiccion por ehempel den automatizacion, educacion, renobacion di Samba, renobacion di centro di motivacion (centro pa curatela cuida obligatorio), renobacion di Centro Colorado (centro pa cuida di adiccion boluntario), renobacion di Cas pa Hende muhe, liña di crisis y auto di crisis. FMAA tabata tin un scarsidad di 24 empleado tempo cu el a wordo funda. Door di e maneho di austeridad di Gobierno, e aña aki desde 1 augustus ultimo 13 empleado a wordo retira. Fuera di esaki 11 empleado cu nan contract ta caduca e aña aki lo no wordo prolonga cual ya mayoria a bay cas. Esey kiermen cu e aña aki FMAA lo tin un



scarsidad di 48 empleado. Algun di e empleadonan cu a caba e estudio cual a wordo inverti riba nan tambe awor ta na cas, sr. Campbell a duna di conoce.

Consecuencia di e medidanan

FMAA a pone un stop na e personanan cu nan ta tuma pa wordo interna. Cliente nan cu a wordo poni bou curatela door di Ministerio Publico lo no wordo interna mas pa

aworaki. Di cual tin 5 sentencia cla y 15 den proceso na Ministerio Publico, segun sr. Campbell.

25 cliente bek ariba caya. A pone 10 dobel trouble bek riba caya. Entrante 1 di september lo cera e cas di hende muhe (10 cliente lo bay bek ariba caya). Tur e trahadonan riba skina di caya a wordo kita for di ariba caya. E proyecto di parti pan (sandwich) tur diabierna pa esunnan cu ta

biba ariba caya a wordo para dia 1 di augustus ultimo. Empleadonan ta wordo bat pa cliente pa motibo cu no tin suficiente hende pa traha (1 personal ariba 25 cliente). “Empleado a wordo bati te na punto cu mester a wordo interna na hospital, recientemente un otro empleado a wordo bati cu lo keda sordo pa resto di su bida, sr. Campbell a splica Bon Dia Aruba.

Consecuencianan

Mas cliente ariba caya, cu consecuencia mas ladronia, vandalismo pa menciona algun. E inseguridad pa famia y comunidad lo bira mas grandi.

Door cu lo bay tin mas adicto ariba caya, esaki lo tin influencia ariba nos turismo.

Sr. Campbell a bisa Bon Dia cu awe nan lo ta den medionan di comunicacion cu entrevista bisando locual cu ta sosodiendo paso FMAA ta sinti cu no ta haya debido atencion. E siman aki FMAA ta spera di sinta cu minister encarga cu husticia Arthur Dowers pa trata e influencia di e medidanan tuma. □